

Supervizor za Brčko o sporazumima o savskom bazenu

Supervizor za Brčko, ambasador Henry L. Clarke, je prisustvovao ceremoniji potpisivanja Okvirnog sporazuma o savskom bazenu i Protokola o režimu plovidbe, koja je održana juče, 3. decembra, u Kranjskoj Gori, Slovenija. Potpisnice sporazuma su: Bosna i Hercegovina, Hrvatska, Slovenija i Jugoslavija.

“Potpisivanje ovih sporazuma o savskom bazenu predstavlja veliki korak naprijed u političkom i ekonomskom smislu za sve četiri zemlje. Međutim, to je izuzetno važno za Brčko, kao korak dalje u uspostavljanju normalnog saobraćaja na Savi i kroz Luku Brčko, kao i bližoj saradnji između susjednih zemalja po mnogim drugim aspektima savskog bazena”, izjavio je ambasador Clarke.

“Nažalost, na ovom sastanku nije određeno sjedište Komisije za savski bazen. Međutim, ministar Svetozar Mihajlović iz Ministarstva civilnih poslova i komunikacija BiH javno se založio da Brčko bude kandidat BiH za sjedište Komisije. Nadamo se da će se ovo pitanje riješiti u bliskoj budućnosti kako bi rad na osnivanju Komisije mogao početi bez zakašnjenja”, naglasio je ambasador.